

D. D.

DISSE¹⁹TATIONEM

DE.

FUNDAMENTO DECIMARUM
ECCLESIASTICARUM,

Adprob. Ampliss. Ord. Philos. Aboëns.

P R A E S I D E

Mag. JOH. BILMARK,

HISTOR. ET PHILOS. PRACT. PROFESSORE REG. ET ORDIN.

NEC NON

REG. ACAD. H. T. RECTORE MAGNIF.

Publice PRO GRADU examinandam proponit

NICOLAUS GESTRIN,

V. D. M. DALEKARLUS.

In Audit. Super. d. 8 Jun. 1796.

M. A. M. C.

ABOÆ, Typis FRENCKELLIANIS.



§. I.

Morem inde ab antiquissimis retro temporibus haud infrequentem fuisse novimus, ut homines, sensu quidem Summi Numinis imbuti, sed simpliciores tamen adhuc, nec de Divinis satis edocti perfectionibus, sibi persuaderent, DEO O. M. gratum esse & acceptum, quicquid suæ maxime conveniret indoli. Quum igitur bovis illi obtentis plurimum delectarentur, & ab harum possessione suam metirentur felicitatem, in suum quoque induxerunt animum, DEO gratissimum futurum, si partem bonorum sibi concesorum, cultui DEI exterio, solennem in modum peragendo, impenderent; gratum ita animum, quo munificentissimum prosequabantur Benefactorem, publice testaturi. Hinc oblationes Eucharistice & Sacrae variis genitris extiterunt; ad quas pertinent *Decimæ*, quibus indigetur quota, vel, strictius loquendo, decima pars proventuum terræ, & aliorum bonorum, legiūme partorum, Ecclesie vel Reipublicæ exsolvenda. Atque hoc intuitu decimæ dispepsi sueverunt in *Ecclesiasticas* & *Seculares*. Quocirca obiter observamus, quod in definitione decinarum loco Ecclesie alii substituant *DEUM*, non quod credant, DEUM, utpote & felicis.

licisimum, & sibi sufficientissimum donis quibusdam egere, sed ut homines eo magis adstringerentur decimas tempestive solvere. Mittimus seculares decimas, de Ecclesiasticarum autem fundamento nonnulla, alterum edituri specimen Academicum, disferere constituimus, mitiorem Benevoli Lectoris censuram, quo par est verborum honore nobis in antecesum expentes.

§. II.

In fundamentum itaque Decimarum Ecclesiasticarum inquisituris necesarium videtur, earum respicere antiquitatem. Quantum autem ex Historiarum penu, quod excusimus, colligere licuit, prima eademque expressa decimarum mentio in Historia Patriarchæ ABRAHAMI injicitur, qui, post insignem ab hostibus suis reportatam victoriam, ad suos reversurus lares MELCHISEDECO, Regi ac Divino Ministro in Salem, decimam obtentæ prædæ partem in tesferam grati erga DEUM animi ex propensa voluntate obtulit, Gen. XIV: 20. An alio, præter hoc eucharisticum, ad hoc donum offerendum follicitatus fuerit motivo, non quidem constat; attamen si mos solvendi Regibus decimas longe ante istam expeditionem per Ægyptum invaluerat, quæ antiquorum nonnullorum est sententia, verisimile fit, Abrahamum eundem morem, in quo nihil reprehendendum inveniret, adoptasse; præfertim quum aliquamdiu in Ægypto, preslus caritate annonaæ, quæ terram Canaan afflixerat, versatus fuisset. Quicquid hujus fit, nullum omnino in Historia Sacra occurrit indicium, ex quo posset colligi, Supremum cœli terræque Monarcham hoc tributum generi humano circa mundi infantiam imperasse. Constituta autem post plura deinceps secula Republica Judaica, Deus Israëlitis diserte præcepit, Levitis, quod nullam acciperent Terræ promisæ portionem, & tamen quotidianum ad tabernaculum ministerium, ob nimiam ceremoniarum, jugiter observandarum, pompam perquam difficile, curarent,

rarent, ex agrorum, vinearum ac pecorum proventu decimas in eorum iustitiationem solvere, Num. XVII: 21. seq. Si quis forte crederet, fortis Levitarum hac decimatarum ex reliquis Israëliticis Tribubus perceptione factam esse nimis laudabilem, præfertim quum haec tribus esset ceteris minus numerosa; is juxta perpendat, quæsumus, partim quod Levitæ totas sibi non retinerent decimas, sed decimam earum partem solverent Sacerdotibus, nec parum erogarent pauperibus, partim etiam quod licet nullas statim diebus ad populum haberent conciones, ut nostri Sacerdotes, cultui tamen ceremoniali, multum operosiori, invigilarent, nec non quod Levitæ præcipui in sua Natione fuerint officiales, judices videlicet, Doctores, Legis Divinæ Amanuenses, Medici, ut alia, eis injuncta, reticeamus munia (a); ampliori proinde salario, ut suis muneribus majori præsenter integritate, sustentandi. Præsumere quoque licet, decimas Levitis olim solutas, & in beneficiis magis, quam in debitis habitas, nec non cuiusvis conscientiæ relictas, ceterorum portionibus non multo majores fuisse (b).

(a) Vid. *J. D. MICHAELIS Moaisches Recht Tom. I.*
p. m. 286, 287. (b) *Vic. Libri modo cit. Tom. IV.*
p. m. 59.

§. III.

In censum itaque venientibus circumstantiis ac conditionibus, quibus decimæ Levitis sub Theocratico concessione fuerunt imperio, oppido patet, easdem se tueri cum æquitate naturali, utpote in compensationem fortium tam agrorum, quam hinc pendentium commodorum inter reliquas Israëliticas tribus amissarum datas, quam Lege Divina Positiva, in §. antecedente a nobis commemorata. Quæ quidem momenta

ficut Novi Testamenti Sacerdotibus, quibus non eadem, qua Levitis olim, injuncta sunt officia, applicari non posunt; ita nec Salvator CHRISTUS solutionem decimarum in sua Ecclesia ursisse legitur. Verum quidem est, quod mentionem faciat decimarum, quas sub Novi Foederis initium Scribae & Pharisæi ex mentha, anetho & cumino prestatabant Matth. XXIII: 23. Luc. XI: 42; quamvis vero erogationem Auditoribus suis eo minus ad imitationem proposuit, quod Pharisæis, in hoc cultum Divinum consilere opinantibus, aliaque officia caritatis plane negligentibus, ob talē animi levitatem male-dicat. Ex sententia Salvatoris in fine citato:um versiculorum occurrente: *Hec oportuit facere, & illa non omitti*, concludunt nonnulli, decimas etiam in Novo Testamento approbari (*a*); quod licet negari non poslit, inde tamen non sequitur, decimas esse præceptas (*b*). Citantur insuper alia Scripturæ S. dicta in demonstrationem necessitatris decimarum, Novi Testamenti Sacerdotibus solvendarum, scilicet quod *operarius dignus fit mercede sua* Luc. X, 7, itemque: *Dominus constituit iis, qui Evangelium annunciant, ut ex Evangelio vivant.* 1. Corinth. IX: 14; sed quum in hisce dictis nulla fiat decimarum mentio, quod probandum erat, non probant. Docet insuper Historia Ecclesiastica, primos Christianorum Sacerdotes nullas per plura lecula a Ihsis Auditoribus vel postulasfe vel obtinuisse decimas, ea contentos forte, quam vel sua opera vel symbolis fidelium in commune sponte sua collatis sibi parare possent. Vanum etiam in primitiva Ecclesia fuisset mandatum de decimis pendendis, paucis omnino Christianorum eos habentibus redditus, ut partem eorum, sine gravi sua jactura, Ministris Ecclesie quotannis possent distribuere. Imo quum Patres Ecclesie, qui decimam Ecclesiasticarum primi faciunt mentionem, eas in sustentationem præcipue pauperum ac deinceps Ecclesie Ministrorum commendent; evidens est, decimas hactenus magis beneficiorum, quam tributorum imperatorum loco fuisse habitas (*c*). (a) Vid.

(a) Vid. *POLYDORUS VIRGILIUS* Libr. VI de inventione rerum Cap. 14. (b) Vid. J. H. BÖHMERI *jus Parochiale* p. 394. (c) *Hinc JUSTINUS Apolog.* 2. p. 99: *Qui copiosiores sunt, inquit, & volunt, pro arbitrio quisque suo, quod visum est, tribuunt, & quod ita colligitur, apud Prepositum deponitur, atque inde opitulatur pupillis & viduis, & bis qui propter morbum aut aliam causam egent.*

§. IV.

Sequente autem tempore, potentia Pontificis Romani per suam altutiam atque supinam populi ignorantiam & hinc fluentem nimiam simplicitatem magis magisque incremente, factum est, ut ille summorum Principum maiestatem primum æmulari, nec multo post exsuperare inciperet. Quare quum ab ipsa civitatum origine fuerat necessarium, ut cives Principi suo tributa, in salutem publicam impendenda, sed auri & argenti copia isto two fere deficiente, ex annuis potissimum preventibus colligenda, seu decimas solverent; Pontifices quoque Romani & horum Ministri tales decimas, precibus non raro armatis, ex suis postulare coeperunt Auditoribus, variis in speciem justæ suæ postulationis usi argumentis. Et primo quidem sibi suisque muneribus tribuerunt quicquid proficuum in utilitatem ac commodum veteris Testamenti Levitarum & Sacerdotum DEUS ordinaverat; paria jura cognominaibus Ecclesiæ Ministris, disparibus licet sub circumstantiis, tribuentes. Enimvero fatis, ut nos opinamur, evictum dedimus, decimas Levitis suisque debitas jure plane particulari, Israëlitas folos & eorum Republicam respiciente; a qua quidem sententia nec plane alienos suisque multos inter ipsos Romanenses constat. Audiamus Paulum SARPIUM de iis Doctoribus, qui Parochis decimas jure Divino universaliter adjudicant, tale nec ineptum judicium ferentem: *Je ne puis me passer de di-*

re, que ces Docteurs ne parlent par ignorance sur cette matière, mais par finesse, pour autoriser leur prétention sous le Nom du droit Divin, & pour se mettre en crédit auprès des gens simples. Mais on pourra ici les convaincre & leur fermer la bouche. Dans le même texte de l'Ecriture, où Dieu commande donner la Dixme aux Levites, il ordonne aussi, qu'ils ne puissent posséder aucun fond de terre, & qu'ils se contentent des dixmes. Si par ce commandement le peuple est obligé de leur donner la dixme, ils seront aussi obligés de n'avoir point d'héritages (a). Præterea ex constitutionibus Apostolicis probare conati sunt Romanenses antiquitatem ritus hujus Levitici, in Ecclesiam christianam introducti; quod autem argumentum quam parum valeat, vel exinde colligitur, quod accuratores Critici affatim ostenderint, constitutiones istas pro commentitiis esse habendas. Quibus addendum, fundamentum decimarum, a se postulatarum, ex Scriptura Sacra eo iniquius arcessere Ecclesiæ Romanæ Præfules, quo certius constat, eos Auditoribus suis imperasse decimas non solum ex frugibus & pecoribus, ceu in Republica Hebræorum, sed insuper ex singulis rebus, ex quibus aliquid percipi posset lucrum; cuius unicum tantummodo exemplum, ab eodem SARPIO commemoratum nunc adferemus:

En 1195 Celisin III. commanda, que l'on contraignit par excommunication le peuple de payer les dixmes non seulement du vin, des grains, des fruits des arbres, du bétail, des jardins, des marchandises, de la paye militaire, de la chasse & pareillement des moulins à vents; tout cela est exprimé dans les Decretales des Papes. Mais les Canonistes ont passé bien plus outre en disant, que les pauvres, qui mendient par les rues, sont obligés de payer la dixme des aumônes qu'on leur fait, & les femmes publiques une partie de leur infame gain, & telles autres choses, qui n'ont jamais pu se mettre en usage (b).

(a) *Vid. Trait. des Benefices art. 21. qu. 1. (b) Vid. libr. modo citat. p. 170.*

§. V.

Ab opinione de fundamento decimarum Ecclesiasticarum a Scriptura Sacra arcesendo, per Doctores Romanenses præcipue propugnata, parum absuerunt alii Scriptores, multiplicis eruditionis fama in Orbe Litterato cæteroquin celebres; quos inter nominasse sufficiat Illustrum H. GROTIUM, ita disserentem: *Lex (Mosaica) manuductrix ad Christum. Sic Lex vetus de Sabbato, & altera de decimis, monstrant Christianos obligari ne minus septima temporis parte ad cultum Divinum, nec minus fructuum decima, in alimenta eorum, qui in sacris rebus occupantur, aut similes pios usus seponant* (a). Mittimus nunc præceptum de sanctificando Sabbato; in illo autem de decimis distinguiamus id, quod juris est naturalis ab eo, quod juris est Positivi, partim Divini, partim humani. Juri Naturali est omnino conveniens, alimenta & cetera necessaria vitae præsidia præbere Ecclesiæ Ministris, cultum DEI publicum rite administraturis, & sine publico salario (nihil tamen interesse videtur, an decimarum præstitatione vel alio modo necessitatibus eorum subveniatur) officio suo propter indigentiam defuturis; determinatio autem certæ cujusdam quantitatis, eo nomine præstandæ, puta decimæ reddituum partis, ad jus spectat Positivum; quotam partem DEUS per Mosen Israëlitis tantum, non item aliis gentibus ad tempus constituit; sicut modum percipiendi decimas, in diversis saepe provinciis diversum, Constitutiones definiunt civiles.

(a) *Vid. Libr. I. de Jure belli & pacis Cap. I. §. XVII. n. 4.*

§. VI.

In Illustrissimorum Regni SvioGothici Ordinum Comitiis, Holmiae An. 1682. habitis, inter alia maximi momenti nego-

negotia tunc expensa, multum quoque fuit disquisitum: quo modo redditus, inconsulta superioribus temporibus facta largitione ita exhausti, ut suam tenuitatem fere erubescerent, ita augeri possent, ut necessitatibus Patriæ in posterum sufficerent; qua quidem occasione Ordo Equestris atque militaris consultum duxit, ut Ministri Ecclesiæ certa in posterum acciperent stipendia, & vicissim beneficia cetera, eis concesa, æterio vindicarentur. Quam propositionem ægerri me ferens Ordo Ecclesiasticus, apologiam, in suorum jurium defensionem a se conscriptam Regi submisæ exhibuit, hoc gerentem rubrum: *Præsteskaps Bevis, at des löningar och Inkomster ej kunnas, efter Höglofslige Ridderskaps Förfag rubbas och minskas, utan fast mera efter Guds Ord och verldstlig Lag, oklindrade hädgnas och bibehdallas (a).* In hoc scripto, multa & cura & animi anxietate confecto, primo urget Clerus, talia molimina non solum in munericis Ecclesiastici præjudiciuni vergere, sed etiam subveretur, non paucos ex decimis tibi subtractis occasionem arrepturos argumentandi, ipsam Religionem despiciatui in nostra haberi patria, ipsumque conamen in verbi Divini contumeliam cesfurum. Deinde æquitatem decimarum, haætenuis perceptarum, jure præscriptionis tueri nititur Clerus, statim ab initio significans, cum alias Pios Principes, etiam ex Gentilibus (b), tum imprimis gl. M. Reges Sveciæ, ob suam pietatem inclytos, non modo non immintisse redditus Ecclesiasticos, sed eos, quantum temporis, quo vixerunt, ratio permisit, auxisse. Et tandem citatis Scripturæ Sacrae dictis ex veteri & novo Testamento, quotquot fere de decimis & oblationibus agerent, ex hoc fundamento æquitatem solutionis decimarum arcessit, ita concludens: *Fördenskull, som de (sejmo est de Sveciæ Regibus) mål hafwa wist, at Prediko-Ambetet i det Nya Testamentet, brilket Andan gifver, hafver större klarhet och lärlighet, än det bade uti Gamla Testamentet, då det dödade genom Bokstaf-men; altså hafwa de ej welat, det Evangeliska Predikares wil-*

wilkor och lägenhet skulle ringare vara, än Leviternas, utan bredo wid Tijonde, offer, &c. som Guds Lag dem tillågnar, gifwit dem åtskilliga andra bedersamma underhålls medel (c). Ut multa paucis complectamur: tota argumentorum, in citato scriptio allatorum, series hoc redit, ut ostendatur, decimarum perceptionem Sacerdotibus in universitate & in quocunque Testamento spectatis, æqualiter deberi; quam tamen opinionem fundamento minus firmo niti, supra probavimus.

(a) Vid. *Handlingar om Riksdagen år 1682, utgifne af J. H. LIDÉN p. 231.* (b) Ex eo, quod Ethnici etiam suis Diis decimas solverint, Eruditi nonnulli occasionem arripuerunt statuendi, decimarum præstationem esse juris naturalis, quod certe valeret argumentum, nisi constaret, unam eandemque consuetudinem pluribus gentibus interdum fuisse communem. (c) Vid. *Scripti modo citat. p. 235.*

§. VII.

Quod ad jus illud præscriptionis attinet, quo patrocinium suæ causæ in nominato scripto quærit Clerus (a), idem facilius citatur, quam præsenti disquisitioni recte applicatur: involvit enim idem immemorialem eandemque non interruptam alicujus rei possessionem; qualis in decimarum præstatione non reperitur, docente Historia, fuisse tempus, aliquot seculorum intervallo constans, quo Sacerdotes Christiani in Ecclesia recens plantata decimas a suis Auditoribus nec postulaverint, nec impetraverint. Docent insuper monumenta Ecclesiastica, decimas a nonnullis Ecclesiæ jam adultæ Patribus laudatas, at cujusvis tamen arbitrio usque ad Seculum VI fuisse relictas, cuius anno LXXXV in Concilio Matritconensi decimarum necesitas a congregatis Episcopis fuit imposita, simulque statutum, ut ad tenorem Legum Divinarum Sacer-

dotibus ac Ministris Ecclesiarum omnis populus decimas frumentorum suorum præstaret, & ut mos antiquus a fidelibus reparetur, & decimas Ecclesiasticis famulantibus ceremoniis populus omnis inferat, quas Sacerdotes aut in pauperum usum, aut in captivorum redemptionem prærogantes, suis orationibus pacem populo ac salutem impetrarent (b). Parum tamen decretum hoc Episcopale valuisse videtur, CAROLO M. a suis civibus ægre obtinente, ut decimas solverent Ecclesiasticas (c). Obiter quoque observamus, quod nec in Ecclesia Christiana, in septentrionalibus hisce oris plantata, cum ejusdem institutione, decimarum Ecclesiasticarum præstatio invulnerit; docent enim Annales, Religione Christiana cum in Sveciam, tum in Daniam seculo IX admisla, Danos post bina abhinc secula adeo ægre tulisse decimarum censum, ut Regem CANUTUM IV, Sacerdotum postulatis velificaturum, & decimas imperantem, seditione propterea exorta An. 1087 e medio sustulerint, nec populum SvoGothicum ante seculum XII ad decimas Sacerdotibus præstandas permotum tuisse. Unde apparet, primos Christianos præstationem decimarum Ecclesiasticarum instituti Divini loco non habuisse.

(a) Dum *SELDENUS in Historia Decimarum* Londini An. 1618 edita, decimas Juris Divini esse negaret, Clerum adeo in se concitavit, ut hic Regium obtineret mandatum, quo Seldenus sub carceris comminatione adversariis respondere vetabatur, & ad palinodiam die 28 Januarii canendam cogebatur. (b) Vid. *HARDUINI Libr. de Conciliis Tom. III. p. 461.* (c) Vid. *de MONTESQUIEU L'Esprit des Loix Tom. IV. p. m. 36.*

§. VIII.

Quum itaque fundamentum decimarum Ecclesiasticarum a jure Divino sive Naturali, sive Positivo, utpote quarum præstatio hoc antevertit, non sit repetendum; conseqüens est, ut eadem

cædem institutis ac Legibus civilibus suam debeat originem. Quantum etiam ex antiquissimis colligere licet Historiarum monumentis, veteres populi conferre solebant decimas in tessera animi, ob accepta beneficia gratissimi; præcipue vero dum animadverterunt, civitatis suæ Rectoribus ea prædia nec non alia emolumenta, quæ circa imperii auspicia ad te suamque familiam nec non aulam pro munierum dignitate sustentandam acceperant, non sufficere, æquisimum judicarunt *cives*, novas symbolas, & quidem pecuniarum defectu, qui tunc sicut decimam proventuum, a se perceptorum, partem in ærarium quotannis conferre (*a*), quarum decimarum partem Princeps deinde suis officialibus, Sacerdotibus præcipue, qui cultus DEI publici specialem ageretur curam, concescit; qua igitur concesione decime Ecclesiastice nituntur, jure tributa cibibus imponendi, utpote Majestatico, ad solum Principem pertinente. Primi igitur Episcopi, decimas obtenturi, non postularunt, has sibi, tamquam Dei Ministris, aut ex speciali DEI mandato, ex novi Testamenti pandectis sumto, deberi, sed eas ex consensu Regni Optimatum sunt consecuti. Confirmatur hæc opinio inter alia ex iis, quæ de JERFULVERO, Scarensum Præfule, hujus in eandem cathedralm successor BRYNOLPHUS canit (*a*). Rex quoque gl. m. GUSTAVUS I: in Comitiis Wadlenenibus An. 1526 habitis, binas decimarum partes publicis vindicavit usibus (*b*), & poltea An. 1528 decimas sic dictas Principales, ab omnibus bonis, decimo quolibet anno, aut ubi e vita exceserat Paterfamilias, pendi solitas, utpote in se iniquissimas, abrogavit (*c*); aliter pro suo in Religionem studio facturus, nisi probe novisset, decimarum regimen civili imperio subesse.

(*a*) SAMUEL Propheta ex mandato DEI jus Regium populo Israëlitico, Regem petenti, explicans, indicat, quod futurus Rex a suis subditis decimas exigeret 1. Sam. VIII: 15; quo ipso significare voluit morem, a vicinis Regibus receptum. (*a*) Vid. Rev. E. BENZELII *Monument. Ecclesiast.*

elesiast. p. 74. (b) Vid. *Nob. STIERNMANNI Riks-*
dags och Mötens Beslut Tom. I. p. 39. (c) Vid. *Mans-*
datum Regis GUSTAVI I. de An. 1528 cit. a Nob.
IHRE in Glosario sub voce Hufwud Tijonde p. 920.

§. IX.

Moralitatem decimarum Ecclesiasticarum, ut de illa quoque nostram proponamus sententiam, ad eundem tenorem singuli non estimant Eruditii. Sunt enim qui hoc stipendiū genus, ut ab aequitate prorsus remotum, condemnant. *De tous les revenus* (ita scribit quidam ex Recentioribus) *celui, qui convient le moins aux Prêtres de la nouvelle Loi, ce sont les dixmes Tout ce qu'on peut appeler profit, est indigne de Sacerdoce, mais par des raisons particulières le casuel est une chose, qui approche de l'impiété & de l'inhumanité* (a). Enimvero quando decimae solvuntur Sacerdotibus a suis Auditoribus ob probam informationem & viam salutis tibi sollicite monstratam, mutua hoc modo inter utrosque alitur benevolentia, haec tenus decimarum institutum laudem, nullam vero meretur censuram. Si autem forte coningeret, ut unus vel alter Ministrorum Ecclesiæ solutionem decimarum rigide nimis exigeret, gregemque a se fovendum ita exhaustiret, ut cuique pateret, quod redditum colligendorum majorem, quam animarum ad meliorem frugem deducendarum, haberet rationem; ipsum tamen institutum ob istam particularem anomaliam non improbandum; salvo canone: quod abusus non tollat usum. Sed ne extra oleas expatiari judicemur, filum disquisitionis nostræ heic abrumpimus.

(a) Vid. *Elements de la Politique Tom. V.* p. 253.